



Concello de Xove

Xestor de Expedientes. Expediente núm.: 1000/2026

Procedemento: CONVOCATORIA E CONCESIÓN DE PREMIOS DO XII CONCURSO DE FOTOGRAFÍA MEDIOAMBIENTAL «Xove, a súa costa e o seu mar».

Documento asinado por: A SOCIÓLOGA

Dando cumprimento á Providencia de Alcaldía obrante no expediente e consonte ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, o RD 887/2006, de 21 de xullo; a Ordenanza Xeral de Subvencións do Concello de Xove, na que se inclúen as Bases Reguladoras da presente convocatoria; e o observado no Plan Estratéxico de Subvencións aprobado polo Concello Pleno na súa sesión de 30 de xullo de 2025 (B.O.P. núm. 179 de 6 de agosto de 2025); e ao obxecto de incentivar a participación cidadá na protección do medio ambiente mediante a imaxe e a súa reflexión, formúlase a seguinte:

PROPOSTA DE CONVOCATORIA PARA DOS PREMIOS DO XII CONCURSO DE FOTOGRAFÍA MEDIOAMBIENTAL «Xove, a súa costa e o seu mar».

PRIMEIRA.- DEFINICIÓN DO OBXECTO:

Constitúe o obxecto das presentes bases a regulación do procedemento aplicable para o outorgamento dos premios do XII concurso de fotografía medioambiental organizado polo Concello de Xove: «Xove, a súa costa e o seu mar», co obxecto de incentivar a participación cidadá na protección do medio ambiente mediante a imaxe e a súa reflexión

SEGUNDA.- REQUISITOS DOS/AS PARTICIPANTES E SOLICITUDES DE PARTICIPACIÓN:

Poderá participar no concurso e ser beneficiario destas axudas calquera persoa.

Toda a documentación será presentada nun sobre pechado consignando no seu exterior XII Concurso de fotografía medioambiental “Xove, a súa costa e o seu mar”.

A documentación a presentar será a seguinte:

- Ficha de inscrición e declaración de autoría establecidas ao efecto.
- Copia do N.I.F. do concursante.
- CD ou pendrive que conteña as imaxes dixitais.





Concello de Xove

O sobre deberá presentarse ata o día **30 de outubro de 2026**, e poderase presentar tanto no Rexistro de Entrada (Casa do Concello, camiño real, S/N; 27870, Xove), coma mediante envío por correo postal ordinario. Neste último caso, deberase facer constar no sobre pola Oficina de Correos a data de presentación, que será igualmente como máximo, o día 30 de outubro de 2026.

TERCEIRA.- NORMAS DO CONCURSO:

- A temática do concurso será «Xove, a súa costa e o seu mar».
- As imaxes deberán ser realizadas polos propios participantes. En ningún caso se aceptarán imaxes copiadas ou realizadas por persoas distintas das participantes.
- As imaxes NON deben conter ningunha firma: nin na propia imaxe, nin no nome do arquivo.
- Cada participante asinará unha Declaración Responsable de ser a/o autor/a da fotografía que presenta. No caso de que o/a participante sexa menor de idade, a Declaración Responsable será asinada polo seu nai/pai ou titor/a legal.
- Poderanse presentar un máximo de 3 fotografías por participante. Deben ser orixinais e tomadas dentro do termo municipal de Xove.
- Deberanse presentar en formato dixital (JPEG) en alta calidade (sen compresión) a unha resolución mínima de 2048 píxeles sen limitación de tamaño en MB.
- Todas as fotografías do concurso poderán ser expostas ou publicadas en internet ou impresas en folletos e publicacións de promoción do Concello de Xove, para a súa difusión sen ánimo de lucro. As fotos seguirán sendo propiedade dos autores/as.

CUARTA.- COMPOSICIÓN DO XURADO E CRITERIOS DE VALORACIÓN:

O xurado estará composto como mínimo por dous membros, seleccionados pola organización do concurso. Actuará como secretaria a Socióloga do Concello, con voz e sen voto.

O xurado valorará o grao de calidade técnica e artística, grao de beleza e orixinalidade das fotografías.

QUINTA.- CRÉDITO ORZAMENTARIO:

A contía máxima destinada aos presentes premios é de **450 euros** (partida 1703/481 do Estado de Gastos do Municipal).





Concello de Xove

SEXTA.- PREMIOS:

Haberá unha única categoría, cos seguinte premios:

Primeiro premio: 120 euros

Segundo premio: 100 euros

Terceiro premio: 90 euros

Cuarto premio: 75 euros

Quinto premio: 65 euros

A contía dos premios anteriores é líquida. De acordo co disposto no artigo 75.3 do RD 439/2007, de 30 de marzo, polo que se aproba o Regulamento do Imposto sobre a Renda das Persoas Físicas, non existe obriga de practicar retención por ningún dos anteriores premios, ao ser importes inferiores a 300,00 euros.

A forma de pago realizarase a través de transferencia en conta bancaria.

SÉTIMA.- PROCEDEMENTO DE ENTREGA DE PREMIOS:

Unha vez rematado o concurso, a secretaria do xurado levantará acta na que consten os/as premiados/as por orde decrecente, non podendo recaer máis de un premio na mesma persoa.

Sobre a acta do xurado, emitirase informe-proposta pola Socióloga, que se elevará á Alcaldía-Presidencia, órgano competente para a concesión dos premios.

OITAVA.- INFORMACIÓN ÁS/AOS BENEFICIARIOS/AS DOS PREMIOS:

Con carácter xeral, os premios están incluídos no ámbito de aplicación da Lei 38/2003, de 17 de novembro, Xeral de Subvencións, polo que o Concello de Xove é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na Base Sexta (non existe obriga de practicar retención por ser inferiores a 300,00 euros), os premios están suxeitos ao IRPF segundo o establecido no artigo 75.2 do RD 439/2007, de 30 de marzo, sendo a Axencia Estatal da Administración Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.

Non obstante, e de acordo co establecido no artigo 4 do RD 130/2019,





Concello de Xove

polo que se regula a Base de Datos Nacional de Subvencións e a publicidade das subvencións e demais axudas públicas, non será obrigado subministrar por parte do Concello información das resolucións de concesión dos premios nin do pago dos mesmos sempre e cando o importe anual outorgado a un mesmo beneficiario/a non supere a contía total de 100,00 euros.

A SOCIÓLOGA

ASINADO DIXITALMENTE Á MARXE

